



Publicaziuns officialas dils 17-09-2021

Votaziuns federalas dils 26-09-2021

L'urna ei aviarta (en canzlia communal)

gievgia e venderdis mintgamai duront las uras da spurtegl
dumengia, ils 26-09-2021, dallas 10.00 – 11.00 uras

Sonda e dumengia, ils 25 e 26 da settember 2021 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 17-09-2021

Biro electoral

Damondas da baghegiar

Nr. 129/2021

Datum da publicaziun: 17 da settember 2021
Patrun: Degonda Pieder, 7172 Rabius
Liug e parcelas: Rabius-Catat; 125
Object: Nova pumpa da calira

Nr. 131/2021

Datum da publicaziun: 17 da settember 2021
Patruns: Wüsch Martin e Luzia, 5212 Hausen
Representant: Tarcisi Maissen SA, 7166 Trun
Liug e parcelas: Rabius-Via la Foppa; 47
Object: Construcziun da treis casettas novas

Protestas:

Ils profils ein tschentai ed ils plans da construcziun ein deponi tier la canzlia communal. L'investa publica cuoza 20 dis dapi il datum da publicaziun.

Eventualas protestas encunter sura damondas da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 17-09-2021

Cumissiun da baghegiar

Administraziun communal – Informaziun uras d'avertura

Venderdis, ils 17 da settember 2021, resta l'administraziun communal serrada muort scolaziun dil persunal.

Nus supplichein per capientscha e stein per damondas bugen a Vossa disposiziun.

Sumvitg, 17-09-2021

Administraziun communal

Deponia da verd ad Igniu

Naven d'immediat ha la deponia da verd ad Igniu aviert mardis e gievgia naven dallas 17.00–19.00. La sonda ha ella aviert naven dallas 9.00–12.00.

Nus supplichein per enconuschientscha e stein per damondas bugen a Vossa disposiziun.

Sumvitg, 17-09-2021

Departament ambient

Uniun samaritana Sumvitg-Trun

Preavis

L'uniun samaritana Sumvitg-Trun organisescha in cuors d'emprem agid per affons pigns a Mustér. Quel ha liug **ils 22 da november 2021** dallas 18.00–22.00 cun la scolasta Martina Giger.

Vus astgeis bugen gia s'annunziar uss tier Gabriela Lutz per mail gglutz@gmx.ch cun indicar il num e la numera da telefonin, ni per telefon 078 640 91 12.

Uniun Lag Salischinas

Radunonza generala dall'Uniun Lag Salischinas

Ei legra la suprastonza dall'Uniun Lag Salischinas d'envidar alla radunonza generala 2021. La radunonza ha liug **venderdis, ils 8 d'october 2021** allas 20.00 ell'ustria «Greina» a Rabius.

Per la radunonza generala vala in obligatori da certificat da Covid per tut ils participonts. Nus supplichein per Vossa capientscha.

Tractandas:

1. Avertura e beinvegna
2. Elecziun da dumbravuschs
3. Approbaziun dil protocol dalla radunonza generala 2020 (Protocol ei publicaus sin la pagina d'internet www.lagsalischinas.ch)
4. Rapport digl onn ed informaziuns davart il stan dil project
5. Orientaziun davart organisaziun da project
6. Quen annual
7. Rapport dils revisurs
8. Discarga dalla suprastonza
9. Elecziuns
 - a. president
 - b. suprastonza
 - c. revisurs
10. Contribuziuns da commemoradi
11. Varia

Nus sperein sin stedia participaziun e salidein cordialmein.

la suprastonza dall'Uniun Lag Salischinas